

Mid-Day Dogri News Bulletin, 25th Feb. 2025

समे — 12:25

<><><><><><>

CM SAMAGAM

मुख्यमंत्री उमर अब्दुल्ला होरें अंगदान दे महत्व ते ओहदे बारे लोकें गी जागरूक करने लेई स्वास्थ्य सरबन्धी माहिरें गी धार्मिक विद्वाने ते होर दुए सरबन्धत धड़ें कन्नै मिलियै अंगदान दे महत्व उपपर चर्चा गी बढ़ावा देने लेई आखेआ ऐ जे श्रीनगर च शेर-ए-कश्मीर अंतर्राष्ट्रीय कनवेंशन सेंटर च शरीर दे अंगें दे प्रत्यर्पण सरबन्धी राष्ट्रीय संगठन नोटो नै प्रदेश अंग प्रत्यर्पण सरबन्धी संगठन सोटो दी सांझ भ्याली कन्नै दऊं रोजा समागम 2025 समारोह दा सरिस्ता कीते दा हा। एहदे उद्घाटनी सत्र गी संबोधत करदे होई कार्यक्रम च मुख्य परौहने मुख्यमंत्री होरें शेर-ए-कश्मीर आर्युविज्ञान संस्थान गौरमेंट मैडिकल कालेज श्रीनगर ते गौरमेंट मैडिकल कालेज जम्मू आस्सेआ अक्खें ते गुर्दे दे प्रत्यर्पण सरबन्धी कम्में दी बड़ी मती सराहना बी कीती।

<><><><><><>

LG Address

जम्मू कश्मीर कैबिनेट नै ओंदे विधानसभा च बजट सत्र दे पैहले दिन उपराज्यपाल मनोज सिन्हा हुंदे अभिभाषण गी कल मंजूरी देई दित्ती ऐ। आकाशवाणी दे जम्मू संवाददाता नै जापकारी दित्ती ऐ जे जम्मू कश्मीर कैबिनेट नै जंदी संजा सिविल सचिवालय जम्मू च मुख्यमंत्री उमर अब्दुल्ला हुंदी अध्यक्षता च बैठक लाई ते 3 मार्च गी उपराज्यपाल हुंदे आस्सेआ दित्ते जाने आले अभिभाषण लेई मंजूरी देई दित्ती। उपराज्यपाल होरें अपने संबोधन च उमर अब्दुल्ला हुंदे नेतृत्व आली सरकार दिएं नीतिएं दा खाका पेश करगंन। उपराज्यपाल होर 3 मार्च च बडलै 10 बजे सिविल सचिवालय दे विधान परिसर च विधानसभा गी संबोधत करगंन।

<><><><><><>

Panchayat Election

जम्मू कश्मीर च पंचैत दे चुनां 7एं ब'रे दे वक्फे परैंत ओंदे अप्रैल मई म्हीने च होने दी मेद ऐ। आकाशवाणी दे जम्मू संवाददाता नै जानकारी दित्ती ऐ जे प्रदेश चुनां आयोग नै इस भेठा इक महत्वपूर्ण गैह् अगड़ी पुट्टदे होई चुनां सरबन्धी जरूरी समेयान कठेरना हासल करना शुरू करी दित्ता ऐ जेहड़ा इस गल्लै दी सारत ऐ जे चुनां लेई तैआरियां जोरें-शोरें चलै करदियां न। पंचैती चुनाएं लेई मतदाताएं दियां फाइनल लिस्टां 20 जनवरी गी शायी कीतियां हियां जेहदे परैंत अगड़े गेड़ दिएं कारवाइएं लेई बत्त पदरी होई गेई ही। चुनां आयोग कोई 40 ज्हार वोटिंग कम्पाटमेंट जित्थें मतदान दरान मत पेटीटुं गी लकाइयै रखेआ जंदा ऐ ते 64 होर जरूरी आइटमां हासल करने दी प्रक्रिया च ऐ। एहदे लेई ठेका देने दी खीरी तरीक 1 मार्च रखी गेई ऐ ते मेद ऐ जे एह समेयान इक म्हीने दे अंदर अंदर सप्लाई बी होई जाग।

<><><><><><>

Casual Leave

सरकारै जम्मू आधारित विस्थापतें ते प्रधानमंत्री हुंदे पैकेज तैहत लग्गे दे मुलाजमें लेई महाशिवरात्रि दे मौके पर 4 दिने दी विशष कैयुअल लीव दी मंजूरी दिक्ती ऐ। आकाशवाणी दे जम्मू संवाददाता नै जानकारी दिक्ती ऐ इस बारे जारी सरकारी हुक्मै मूजब जम्मू आधारित कश्मीरी विस्थापतें ते कश्मीर घाटी च पीएम पैकेज तैहत नौकरी करा'रदे मलाजमें गी अपने परोआरें कन्नै शिवरात्रि मनाने दा मौका देने लेई एह छुट्टी मंजूर कीती ऐ जेहदे मताबक उनेंगी 25 फरवरी मंगलवार, 27 फरवरी वीरवार, 28 फरवरी शुक्रवार ते पैहली मार्च शनिवारें एह कैजुअल लीव लैने दी इजाजत होग।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बशकार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Awareness Campaign

सरकारी अफसरें ते आम जनता गी नमें अपराधिक कनूनें दे बारे च जागरूक बनाने लेई जिला प्रशासन जम्मू आस्सेआ कल इक विशेष अभियान चलाया गेआ। जिला मैजिस्ट्रेट हुंदे निर्देश पर इस चाल्ली दे जागरूकता कार्यक्रम हर महीने दे दुए ते चौथे हफ्ते ब्लाह सतह पर लग्गा करगन। इस सिलसिले च कल बीडीओ दफ्तर अखनूर ते जम्मू कश्मीर सैलसफा विकास निगम सरुइसर परिसर च कार्यक्रमें दा सरिस्ता कीता गेआ एहदे अलावा अज्ज बी बीडीओ दफ्तर मढ़ ते गोलगुजरा ल स्थित मैहकमा माल दे ट्रेनिंग सेटर बी इस चाल्ली दे जागरूकता कार्यक्रम लोआए जांगन।

<><><><><><>

DC Jammu-Swachh Survekshan

जिला विकास कमीशनर जम्मू सचिन कुमार वैश्य होरें दुनिया दे सब्बने थमां बड्डे स्वच्छता सरबंधी सर्वेक्षण दे तौरा पर आयोजित कीता जा'रदा ऐ, दे तैहत जम्मू जिले च चलै करदिएं गतिविधिएं दा जायजा लैने लेई इक बैठक सददी। बैठका च मुख्ख तौरा पर ध्यान लोकें दे सैहयोग ते बक्ख बक्ख अर्जेसिएं बशकार नेड़मे तालमेल राएं स्वच्छता मुहिम गी मजबूती देने पर दिक्ता गेआ। जम्मू नगर निगम दे सेहत ते स्वच्छता सरबंधी जायंट कमीशनर अब्दुल सत्तार होरें डीसी होरें गी सर्वेक्षण दे पूरे ढांचे ते बवस्था बारे जानकारी दिक्ती जेहदे च कचरा प्रबंधन, सामने लब्बने आली स्वच्छता, स्वच्छता तोड़ी पुज्ज ते लोकें दी प्रतिक्रिया समेत कुल 10 महत्वपूर्ण क्षेत्रें बक्खी ध्यान केन्द्रित कीता जा'रदा ऐ। डिप्टी कमीशनर होरें स्वच्छता दी बकायदगी कन्नै जांच ते निरीक्षण दे कन्नो कन्नी नगर इकाइएं ते बक्ख-बक्ख मैहकमे बशकार नेड़मा तालमेल बनाइयै कम्म करने पर जोर दिक्ता।

<><><><><><>

Weather

मौसम विभाग नै अज्ज संजा कोला लेइयै 28 फरवरी तोड़ी घोड़ी, पच्छमी ब्हाएं च बनी दी खोददल आली स्थिति दे चलदे जम्मू कश्मीर च मतिएं थाहरें दरमेयाने दर्जे दी बरखा ते बर्फबारी दी पेशगोई कीती ऐ। आकाशवाणी दे जम्मू संवाददाता मूजब मैह्कमे आस्सेआ जारी चेतावनी च आखेआ गेदा ऐ जे उत्तरी ते मध्य कश्मीर च हल्की बरखा ते बर्फबारी अज्ज संजा शुरू होग ते 27 ते 28 तरीक तगर एह्दे च तेजी रौह्ग। उप्पलिएं पहाड़िं जिंदे च गुलमर्ग, सोनामर्ग, बारामुला, बांडीपोरा, कुपवाड़ा, शोपियां, काजीकुंड, रामबन, डोडा, किश्तवाड़, दक्खनी कश्मीर दे किश हिस्सें ते चिनाह् घाटी दे पहाड़ें पर बर्फबारी दे आसार न।

<><><><><><>